



崇川咫聞錄 七



漢書門			
九	〇	九	九
一	〇	九	九
二	〇	九	九
三	〇	九	九
四	〇	九	九
冊	架	函	號

庫文閣内	
九〇九九	漢
一〇九	書
二〇九	
架冊號類	

内閣文庫	
番號	漢 9099
冊數	12 (7)
函號	292 37



崇川咫聞錄卷七

淺草文庫


郡人 徐 縉鸞坡氏 同輯

楊廷撰述臣氏

獻徵錄下弟八

李存性 字尊生海門縣人明季以選貢任通江縣甫半載張獻忠率其黨圍城二日存性與民守陴力禦之見執不屈死舉家二十七人皆被害時崇正十三年也

王飛 通州西鄉人應狼山副總兵蔡忠募擢千戶素驍勇人因號飛虎將軍崇正末土賊作亂由岔河掠至馬塘飛率卒數十人勦殺三百餘級馬陷坑穿遇害葬涼



月潭側邑人至今祀之

徐可進

字振甫號遠峯通州人弱冠通經史古文里中

范太蒙光祿包石圍虞部以國士目之會甲申國變北向慟哭憤不欲生乙酉畱都破絕粒者三日欲以身殉者屢矣悉爲家人救免遂絕意進取自南原徙居塔山之東麓日諷金剛經數卷暇則與樵夫牧豎相往來興至拈毫作長短句屏跡不入城市有詢其姓氏者不答年八十三歲以布衣終陳禹部進士哭以詩云避地唐梁震登臺宋謝翱李但山廉使云陶潛猶繫晉羅隱未忘唐蓋實錄也少失怙事父昇宇孝隆冬父臥苦足寒

解衣置胸達旦無倦容父歿嘔血數升柩未葬鄰不戒于火慮延及撫棺大慟率二弟可就發昇至大門外少頃天反風大雨滅火屋宇如故仍返厝正室人以爲孝心感天云

陳德奎

字傑儒號愛山通州人乾隆癸卯科老舉人官

湖北宜昌鎮都司嘉慶元年在湖北建始縣捕苗匪陣

亾事聞

朝廷贈卹之世襲雲騎尉其後嚴

高官廣

東碣石鎮都司次以擒寇陣亾世襲雲騎尉竝祀昭忠祠

郡人孫斗泉

奎

述陳都閫殉寇事詩云嘗讀歐陽五

代史忠貞獨許彥章死可知公道在人心季世一人而已矣又聞倭寇犯吾鄉鄉人曹頂奮沙場脰斷腸拖猶殺賊遺容至竟英風揚或在 朝廷或草野成仁取義無虛假况當上下志方同報 國人應勝昔者宜昌都闖陳孝廉文經老緯一身兼生平愛讀睢陽傳壁壘精堅紀律嚴是時苗匪勢方熾羊狼狼貪張白幟嘯聚渾如銅馬軍負嶠一似黑山賊經畧大臣福與和削營設卡當巖阿兔窟殘魂恣狡變剿除不及更紛多都闖此際方城守請謁軍營効趨忝戎行鼓勇輒先登上將視同左右手長蛇封豕隔崔

巍密箐叢荆徑不開獨承軍令偵消息詎意腥風捲地來大營已遠救援絕匹馬衝鋒背欲裂短兵接處刃叢攢彼眾我寡臣力竭臣力已竭臣節完血雖化碧心餘丹忠魂毅魄畱天壤凜凜生氣不可干有事疆圉重成事捐軀慷慨談何易封章馳驛達

天聽卹典重重叨數異已曾葬祭沐 恩施廕

襲還聞及本支最是江城沿焜德昭忠今始有專祠忠烈定然標 國史大書特書葡終始我方秉筆續州乘佗傳何煩千斛米 以上忠節

徐經 字洪禮通州人業販鮮果市有時食每力致以奉

父父衰老患癢好浴日負之就溷入與其寢居東郭數椽值風雨卽不出見父有憂色必曲求其解或招父執相對手談具杯酒爲歡父歿哀號累日夜自舁土與母墳合殯郡太守董勗爲徐孝子擬請獎牒批四十未娶不許時論惜之後完婚得一子

郡人徐惺齋

琳

有謝董刺史爲宗人

經

旌孝給額并

序云經字洪禮取果爲業父素文老且病經以貿易貲竭力營甘旨夜寢解衣抱虎子使溫俟父溺授之夏日父惡蚊聲執葵扇驅蚊於帳外候父熟睡乃已州牧董公權文巡夜出東關訪得之給額以表其廬

曰摩肩養志飭學正徐公越申詳經叩頭堅辭又以不娶無子格于律余因鳩族人聘室女而董公猝移他任事遂寢祖餞時作詩謝之詩云孝首百行關天彝自然流出非強爲不分貴賤與愚智往往草野間有之吾宗洪禮素業賈奉親不肯離鄉土晨起取果午卽歸上堂戲學斑衣舞雖曰菽水可承歡高堂老病難加餐經營百計覓蘭膳食餘不復進杯盤北風槭槭吼窗紙布衾似鐵寒若此以身溫席暖氣蒸懷中猶復抱虎子夏日父臥惡蚊聲葵扇驅逐無時停父雖熟睡不敢睡睡中恐父呼兒名吁嗟乎此孝無

人聞吁嗟乎此孝豈願令人聞使君巡夜偶過訪驚
歎不異古所云古所云云事大僅今親見之堪起敬
式間急向大吏陳以端風化敦至性乃因未娶格于
律余忝宗人殊抱愧急具承筐修聘儀庶幾似續有
賢嗣孝子轉覺心怛怛子職宜盡非奇行再拜使君
弗復爾不敢仰邀 朝命旌 惺齋偶存集

黃 孟埭 通州人諸生麗正季子性穎力學僑居蟻山之

北以館穀供二親膳色養菑至親歿貧不能葬一夜火
延其廬埭慟呼力拽父柩出戶復冒烟入拽母柩因焚
灰里人撥灰燼見殘骸伏焦桐棺上猶若抱母者然

鄭 國僑 字東里通州人廩膳生美丰儀秀髯試輒高等

血性真摯奉親孝年未三旬連遭親喪經數日鬚髮皆
白晚居東郭書帶草堂吟嘯自得值先人忌辰則變服
危坐齋舍有憂色戶銘云一日閒飯脹如何算過五更
後主翁可也醒來自少至老無忝所生督學劉巡撫莊
遞舉優貢不就子聞馨榮俱遊庠

金 澤 字載滋號素廬通州人童時為父割股療疾長讀
書力行益謹親歿歷久不忘每食不過貳簋稍豐輒作
而曰吾先人未之嘗也終身衣布止元纁服一襲曰是
先人遺也家貧事舌耕雖盛暑必衣冠坐入戶視履上

堂揚聲舉止不苟顯詠多五七絕兼善岐黃工篆刻帖
摹老坡佗大窠壁書更佳壽七十八

姚國琪字仁碩通州人諸生事母謹母病飲劑必先嘗

及醫辭莫救私背妻割股肉和湯進母妻知怪之答曰
吾夫知甚愚但計窮無措天或鑒此苦心耳母果得痊
居河東與薛瞻兮保君牧輩聯社文行並醇正老年以
肺疾卒

陳芳字薇庭通州人諸生言端行直恪守其身事寡母
曲至母有小疾侍寢累月兄楚方弟用剛同居相親愛
分題論文如師友與宗人聯月會司寇祠修祭器理藏

書弗忘數典遊其門者藹然如坐春風經師人師同時
推重歲近考貢期卒

湯乾字肇隆通州人生五歲知分餅供母歲十二卽奔
吞力食養親不避冰寒日烈授室後經營所入一錢不
私畜其妻夫承順無違鄉人每歎之既以勞邁疾恐貽
親憂隱而不告強支行役負薪米歸供膳如舊疾大佗
自知不起泣呼父母數聲而絕尸在牀經兩晝夜血淚
盈眶未乾

張琮字方玉通州人有順德處家人婦子皆曲推親志
其兄側揚以苦讀致疾早卒室無遺產琮乃率弟力撫

孤雛長大延師授書復爲婚配敬事寡嫂江以禮弟三人至老火式好因閒生平慷慨好義歷遊吳山楚水閒晚入國學以壽終

徐寶字麟書通州人少失怙從其叔讀書文筆雄傑董太守拔冠童子科削於校長遭兩兄偕亾家道益落寶出生徃所進脯穀奉母養嫂兼以食季弟及諸孤或告之媒言寶謝曰五喪尙在堂何暇爲此於是拮据舉葬越數年乃黽勉成婚居家調護有方導其妻和順無閒言早卒妻王氏守苦節奉姑以孝聞兄楚書分食食孤寡獨力支持困極無怨人並稱難年未六十卒

曹溥字敷遠通州人三齡失怙天性至篤聞母述父在所嗜逢忌辰必茹以祭晨昏奉母謹母得癱瘓症不能下牀溥扶持左右不避糞穢病小起輒負出寢門令妻整理蓐席入夜侍坐每每達旦歷七年弗懈夢督學獎之有敦倫淑世額

曹孟智字愚溪通州人株守類腐儒藉硯田養親父偉芳疾篤割股和藥以進得瘳人謂誠孝格天愚溪愚不可及

周陽字左軒通州人惟貞子嘗割股以療父疾及母王邁疾篤復抽刀割股二老並得延年而陽兩股俱瘳癩

身尺圖金卷一
痕不滅既而讀書至曾子有疾召門弟子一章輒泣曰
吾雖幸免辱親然已至虧體其何能逃罪哉自是益敦
行著有執筭文藝壽八十二

馮

人麟

字瑜符號芝巖通州人郡學生生有至性事父

母先意承志能得其歡心母蔡氏病棘醫謝不治號泣
禱於郡神乞減已算以益母草木之滋百計不效因剜
右臂瀝血和藥以進母服藥畢詫曰今日藥濃甚病稍
稍愈後母以舊疾復劇竟不治哀毀瘠墨痛不欲生念
父如南尚強健含泣侍寢殷殷愛日距母逝後十年父
始歿麟因侍疾感風露手足至爲繚戾居喪未及一月

而卒麟樂善好施予鄰里宗族立任卹資助者不問家
有無但應諾諾與朋友交和易謙退人恆樂與之親近
邑中至今稱善人子學豹猶能踵而行之

姜

渭

字利川號滄亭通州人乾隆癸未冬母朱夜半心

痛甚劇倉皇間跪禱華王廟割左股進母病遂釋庚寅
夏父龍彩遊幕南匯病歸渭泣訴玉皇樓下割右股煎
湯進父次瘳事逾廿餘年今創痕可指母年屆七十郡
守呂燕昭式其廬詢兩次割股狀嘆其孝給額曰瑞鯉
現年八十餘食息如壯時生平能洪飲善丹青尤精指
頭畫古秀堅蒼非時賢所逮

許鼎盛字仁安廕生候補光祿署丞爲淮安漕標中軍協鎮壯猷第五子幼失恃從父於官自江西至淮常侍左右以孝聞康熙間父陞狼山總鎮將之任沒於淮署因營葬淮上兄弟八人聚處甚善旣而入贅於狼山遊戎王君輔任所王旋遷閩中去鼎盛畱於通絕不以貧介意以生未一見母面父沒又與母異穴爲痛往往流涕適妻出服飾易五十金請爲治生計卽陰攜入京載嫡母王生母董兩櫬抵淮往還歷五千里合墓畢哭奠而返始告妻以實妻不之怪副室劉生一子維清籍於校以明經登選原籍宛平

彭君美海門鄉人有至性父仁字被海賊劫去遁歸未久爲強族誣害母袁氏矢苦節撫君美至長以父冤語之相對泣一日出觀劇演尋親後本蹙然有感奮臂呼曰同是戴天焉能忘父之讐乎遂嚙指灑血書狀徒步百里外鳴於官時年甫十四王道憲爲之伸雪下族人於獄病斃然猶恨未得斷其頭一祭父墓也奉寡母色養終老以孝弟力田起家

崔之俊字顓上海門鄉人諸生讀書有志節不肯苟就功名事親以守身爲重時民竈混考已久或以親老諷使奔競俊不從曰求榮乎恐所生忝矣後應郡試太守

擬首拔未定招同二人覆考衆方代爲冀倖乃一聞母疾星夜馳歸遲一年疾愈始告出遊庠弟早喪經理其家不以析產諉性嗜學病臥猶手不釋卷年未艾卒

崔琬字玉山海門鄉人太學生交泰長子受書入上舍持議與時不合或嘲爲假道學不顧也處門庭雅重名教初以父遺命與弟奐若明經析居顧情自和好且不時入宅省繼母母病歿竭力謀葬盡孝一如所生及期喪將出會大雨降水與階平或促其扶柩滯泣辭曰惡有拘泥卜吉而忍葬親於水者遂挽畱入庭翼日晴乃行形家方駭爲不祥後家竟無恙論曰孝道有全體一

節之不同若崔公所爲夾足破風水陰陽之忌矣世有停喪在堂或東西改葬不顧先人遺骸專以求己之富貴者是何心哉或引禮經葬不爲雨止以咎之不知彼特以至墓下棺時言耳

崔燮字用梅海門鄉人庠生父于宋病劇燮步行數百里延名醫王某未效泣禱東嶽廟歸割股和劑父曰服藥中香沁心脾或可療吾疾矣恙痊妻宋名思姜侍翁疾隆冬衣不解帶者月餘事姑夾以孝聞

毛北魚字圖南一字那溪泰興縣人庠生幼失恃從父受書父或因疾輟食卽不忍食長歷試有文名戊午薦

崇川尺牘卷一
十一
未售撫卷慟哭以不克成父志爲憾色養繼母如所生
與兄躍舟方友同居愛敬交至兄以疑事被逮爲涕泣
陳辯冤雪乃已分財姪輩不沾沾多寡爲意所在任卹
戚里其德之壽八十有四

朱龍雲字雲舉如臯縣范湖洲人自少以孝聞旣冠後
寡母吳病甚禱於神割股肉和藥療之愈越三年母病
復篤醫者曰肝經已傷非草根樹皮所能療雲候夜靜
跪禱剖左脇肝出家人間庭階擲刀聲驚視之則血刃
在旁手握片肝臥地上弟龍惕爲褻創翦肝餌母母沈
疴復起活十餘年雲創夷愈壽至七十有五卒其先邑

人嘗爲請旌因雲時未定嗣府牒下議中止至嗣孫墨
堂陳其事於夢督學獎之曰孝心獨苦州志未詳

邑人江片石干有跋朱孝子傳後詩云世間奇事寧
有此剖心出肝能不灰在昔我聞朱孝子孝子母病
憂沈痾百計無救將奈何將奈何母當別牀頭鬼啾
燈欲滅孝子中摧五臟裂惟有區區一腔血不可告
者冥冥之蒼天不敢赴者杳杳之黃泉以母所生爲
母用此身何暇求其全利刃割胸肝在手雜糜食之
活阿母所憂母活兮兒不得起叶音兒竟起中有神
明母知否噫吁嘻孝通神明世人其知之否

馮杰字觀文如臯縣人諸生太學學祿之長子也性敏
工文小試輒冠軍幼失母卽能躡踊哀號如成人逾數
年舊衣皆短不稱身杰以製出母手猶襲爲裏服讀書
至夜半輒思母泣至血出又委曲博父歡父憐其遭疾
爲延醫至時繼母馬亦有疾杰請先診母且告曰兒尙
無恙湯藥進必率妻先嘗奉母後乃自服竟以瘵早世
時人惜之

吳增字瀛洲如臯縣人鍊達老成至性最篤少時家貧
以服賈養母又爲祖母楊節行請旌兄含萼遊燕秦
十餘年增時問卹嫂氏及姪不令失所教家以義人以

比第五倫入太學返蒲上以老壽終

沈于蕃如臯縣人父老鰥孀惡疾蕃甫十餘歲卽力食
養親且出負販必告且必閤度食物牀頭乃去晝歸父
飯亦飯入夜抱父雙足而臥或便溺呼扶持一夜不憚
數起如是者二十年弗懈父喪竭力營殯葬露宿墓所
閱月始反逾小祥一載猶時聞號泣之聲竟以憂勞瘠
死邑人皆歎曰孝

石中錦如臯縣人庠生秀嶺之子孝事繼母徐如所生
繼母亦愛之如親生己巳母病亟錦百計求救無方夜
禱於北斗割臂肉作羹以進母霍然愈不數日錦創亦

合人謂屬毛離裏既無異視宜其精誠激發有感斯應
云以上孝友

傳仲良通州人冬日從如臯縣回值寒甚見一人臥於
路傍蓬跣藍縷寒顫不已仲憫之偕至家爇以爐火不
就與之食不受藉草而臥天明失所在几畱一紙劑藥
五十九味尾書畱此方治風疾以報汝仲製藥治風癥
立效名急風一字散至今猶傳

俞應麟字念村通州人諸生居餘東之雙井莊承先宦
遺業績學懋行樂善好施萬秭四十三年間薦飢捐賑
穀三閱月流亾活者無數居平與人言孝言弟排難解

紛鄰里爲息訟賊匪不入其村三舉優兩舉鄉飲大賓
賜七品頂戴子芬大籍於校慷慨負俠氣國初有沈
場使橫征鹽課溢額竈戶大困乃出爭之當道不得復
叩閭泣疏困始甦每歲荒輒賑粥貸粟以爲常至孫
爾亮仍踵行之載揚州府舊志

周之焯字象成通州人少學孫吳舉於鄉讀書養氣絕
無劔拔弩張之態居東郭精舍習靜修養鐫印勸善袖
珍本贈人嫺睦親黨年老彌敦陰隲避善名歲暮遺貧
戶金乘靜夜隔墻擲與之俾受者莫識爲誰

閔廷瑜字彩玉通州人少遊太學旋爲孝養服賈然未

嘗瑣瑣心計家常律身以約宗祀從豐時爲兄弟分甘
讓好三黨待以舉火者甚夥凌某始館其家至老猶供
給脩脯終身事之如父於塾開文社諸子弟悉待如賓
禮下至臧獲厮役大絕無厲言怒色性最醇篤有鄰翁
出樵具二來質錢貸以錢米後俟其送終仍歸之且賻
以金語人曰此向所寄也又西商病途窮無告密問所
資如數贈之歸迄商來謝惟追慕狀貌不識爲誰至如
糴社倉葺學宮助糧育嬰分金瘞骨種種善載口碑通
庠感其盛德高義將公舉鄉飲大賓未及卒年逾六十
鄉諡恭惠

單謨字老公通州人飭行誼敦親睦族貧乏者讀書無
資代出脩脯延師教習緩急輒解囊傾篋無德色注感
應篇編輯勸世淺言維持風化晚年生一子鳳志隸於
校弟允孚藏書殖學存心種德克傳忠厚家風人稱單
氏二善

江恕字惟一通州人天文生少遁入道能步罡踏斗占
測星象既業儒力敦善行董育嬰堂事按簿放糧復施
丹藥以療兒疾疾痊輒喜逢宥餓人呼於路觸州守怒
將加鞭朴恕拜叩首曰民飢欲死乞赦之怒遂解陳瑤
寶文學爲賑饑賣田買豆恕大陰贊成之崇報院有久

停柩七八具并和失顛側倒破屋中恕訪知一爲學并
測字人一爲馮店販紬人一爲方守菊女餘皆客死無
稽亟與江天吉養廉等告之郡守董公協力謀葬墓并
各置碣畱歸喪主恕寒素士而彊爲善若此晚與姪淺
堂倡和有詩

張士連

字闇文通州人國子生性好潔焚香讀書戶牖

多銘格言時引理學自律初以無子蓄三姬既乃悔之
遞爲治裝遣嫁一妾獨相依不去夜忽同夢白衣人手
贈二蓮華且語曰尙有豆舟可按簿代散後檢舊笥得
幼科抄本依方治痘悉效酬謝概弗受或止取香花供

白衣像果舉丈夫子二人晚歲隱行彌篤全活不但兒
輩一日恍惚見仙仗候門遂入室熏沐更衣從容告語
而逝

費廷佐

自號真率子通州人樂善忘貧勤施泯迹有女

子沈季男愆期未嫁密與王子西橋程子述齋輩斂錢
助其奩具成婚禮歲試卷頁模糊於老生甚不便乃捐
貲加印工費俾一展瞭然文字不至出格寒儒家賣舊
書買恆數倍其值歲饑志士不受賑者必多方調護俾
受之有辭西望江樓下四門通風至冬丐者多凍死預
爲之蓄薪米乘雨雪夜散給不令人見有吳香者爲刺

髮悞削左頰髯香方愆罪仍使向右頰刮盡無片語呵
斥里中咸頌費先生讀書長者

曹

閱績

字懋功通州人國子生砥行礪節於人廉取厚
與家餘西嘗拾遺金於道徧訪其主或止之曰此劉某
所遺非比急者乃卒不肯以攘自黜袖而還焉往蘇將
反寓福山旅邸候風值暴冷江中舟覆救生船得四人
尙有兩人未起因出三十金招漁船往救翼旦乘早潮
去停午果載兩溺者至叩頭謝答曰此汝儕命應不絕
於我何與後遊江西舟行樟樹鎮失足中流舟子以篙
畫水仍得緣篙而上人謂盛德之報壽九十

王

模

字聖範通州人優貢生腹笥貯經心田樹德里建
善舉如贈綈放糧築岸瘞骨之類至破產無德色於友
誼倍篤社有楊儒升詩窮酒病老而無家州守董公營
敬禮之董公去任後絕無顧者模乃生養成殯如事兄
禮高宅安火同學窮友也模既卒每歎王七兄不佗世
無文章知己其意氣感人類此

錢

景莊

字以臨通州人諸生貌和而性嚴獨擔古道州
學明倫堂自公餞保元戎後有擬是禮爲官場獻諛者
議已定景莊聞而怒曰鄉校其爲若曹阿附私燕地耶
與直士凌聖篆力爭而止修黌宮葺試院造几案考具

皆分任弗憚煩晚歲寄興詩酒著有肅軒集

劉

邦銓

字衡吉號平村通州人貢生績學工文四應南

闈試以母老病乃止厚重簡默尊師長卹親族敦友誼
有古人風同社陳曜先卒於京榕門相國歸其喪以金
寄之歷久不負所託且善視其後丙子痔一歲冬家餘
蕎麥十數石人出重值不售預策明年荒歉爲備明春
果陰雨弗輟分給貧者中年無子買一婢將卜爲妾聞
爲儒家女令歸母家擇配贈貲嫁之世燈庵小沙彌本
鄉先輩孫也與閔建三謀使歸族月餽以糧至長貸錢
百貫使治生計舊僕京兒成於閩河爲買棺營殮復召

其婦給以金歸葬其爲人貌若冷而中實熱見義必爲
動皆有則自少飲量甚洪能節飲銘其軒曰節軒一日
無疾卒是日設道場追亾父其晚猶拜遺像對泣云

陳鶴齡

字瑤賓通州人諸生性木訥好道於時事每關

情經濟應李晴江聘至莒州浚小清河築壩開水田
諸善政皆擘畫贊成丙子歲通郡大荒慨然割家產之
半易豆麥百餘石散給饑民爲捐賑者倡郡守王公欲
以其事請于朝鶴齡固辭大吏獎以義重士林之額
著有十三經字辨算法正宗等書壽八十有九鄉諡文

惠

曹孟通通州人坦率不拘小節常對客捫虱有義俠氣觀劇演岳老穆寃事輒痛哭聞馬安南訃徒步迎喪千里冬月遇一嫗衣絺脫衣贈之至自忍飢人呼真癡王大鶴字希喬一字西樵通州人附貢生成受仲子性嗜茶好直言于人每思有濟出必攜丹藥及鹽礬薑蒜等物盈囊遇病者卽以療之嘗爲某停柩積屋助其舉喪某宿逋催迫代其繳償某子女婚嫁愆期仗其完姻任郵親黨至破產無怨悔品最端授書河內時有婦窺館屋招之夜飲乃固辭尋避歸一日見鬼使叩請示以越宿當來遂沐浴更衣而逝壽六十三著匪莪手抄

程世繁字信文號梅圃通州人貢生候補州同知簽發安徽試用淮上以河工議敘署阜寧縣事遭歲荒辦賑全活甚眾澇水發見流屍無數捐俸芻殮具盡掩之先是傳蔣紫真醫術濟人設局西街施藥州城東收雞路多暴骸遣買砂缸數十藏埋義塚所在行惠政告歸後日理芸窗故業遇士夫以禮皆從其厚壽八十二終著有唐詩韻彙

保成德字敬亭通州人國學生乾隆丁酉年捐資三千兩重修老廟丙午歲歉設厰天后宮賑饑捐米一千石州守葉文麟給額曰一鄉善士妻袁氏名懋媪字椒春

袁洋次女善詩有揖翠樓稿阮中丞選入英靈集

周懿德

字秉五號松齋通州人幼穎敏過目成誦塾師

器異之年十餘歲遭母喪思慕不已一旦鄰嫗至貌類
母持之泣既而覺其非哭益慟遂病癘輟業援例入國
學既冠丁父憂哀毀骨立事叔父如父數十年無倦容
生四子延內弟李西園教之敬禮葡至爲之經紀其家
生平好施與恤窮獨人有忤者弗與校尤好文士自同
里以及遠方來謁者無不副其意以去石門勞星巖明
府宣城張涵齋侍讀先後主紫琅書院爲諸子師樂與
之交涵齋嘗歎爲純德君子贈以詩有樽壘傾北海德

望冠南州之句年七十餘卒諸子及孫讀書善文有聲
庠序子煊舉人孫昇弱冠成進士任比部皆其燕翼所
致云

汪良杰

字漢師通州人國子生祖籍休寧縣上水南邨

祖希亮佐趙給諫幕歸自都門始卜居通州父忠元蚤
逝母金氏有禮而嚴族人憚之不敢妄有所求杰時以
賙卹請叔祖希賢老病留養於家既歿兩子狂暴至揮
斧擘扉弗以介於懷兩人歿禮葬之養叔祖母趙終其
身嘗避瘴東濠畔聞哭聲出破船中偵之乃粥女而不
忍割者急忍寒赴銀莊貸銀五兩予之碎其文券弗告

身川尺金卷一
姓名去大未嘗對人言里中有扶乩者甚著效杰往叩
乩仙突舉其事生平一敝羊裘數十年不易食惟紅飯
碧羹飲惟濁醪數杯每歲夏秋合藥施人以爲常歲終
察嫠孀孤兒熒熒無依者裹銀擲其門預知凶期壽數
夕命其子業曰吾施子三千金罄一生蓄積不欲以餘
財累汝兄弟也然不敢耗吾母所貽分毫以付汝輩責
汝讀書望明理非望富貴也卒年五十有六業籍於庠
以文章知名

王極光

字耀南號星弧素性溫厚有義聲幼失怙恃依
叔國昌營生計長積家貲戚黨倚食甚眾力不能讀書

者代爲延師虔菊修脯孝廉某窘於北上贈以朱提彼
感其多援筆立質券一笑止之生平好禮佛郡西望江
樓外舊有準提禪菴破剝數椽雨淋日炙發願佈金高
建梵宇廟貌頓新後數十年里人有重加修葺施香火
田請聯名勒石者堅謝弗預其爲人務實如此晚年得
子名翊清居以別室顛曰一枝居督課綦嚴每語人曰
余幼愧失學然竊心焉嚮往曩於月明中間鄰家子夜
誦聲佇立牆外傾聽至漏三下不忍去今吾家有書聲
勝彈絲吹竹多矣遊歷所至最喜題咏皆不事瑣飾自
然藻拔時論以爲得自性生者然

許遵本海門鄉人明季旱潦頻仍邑民大饑本慨然出米八百石統子姪逐日散給全活甚眾江督奏聞詔授八品頂戴以壽終成氏遺志云歿成化八年間事也有碑記在貊貊廟

彭元勳字錫公海門鄉人貢生候選州同肝膽照人賢

士大夫樂與之遊里有義舉輒身任首倡之呂四鹽課折價羣苦收總額外滋擾爲請援石港設櫃之例鹽法道李公爲文勒石患始息又委商初限火伏各竈交困爲訴於場使董公詳請會題酌定七分歸垣二分醜切民生始給太守馬公嘗贈以文其略曰余牧崇川五易

年彭子不數見見矣無私譚浮議有問必舉事之可采人之可風者以對此其不掩人善而好善爲何如耶蓋

大堪想見其爲人云

潘詩杜

字友召海門鄉人太學生同居五世戚里有大

故必極力爲幹濟所在有善蹟嘗遊蘇見老嫗攜稚子哭於巷言生止一子以事株連逮罪無金莫贖祖孫二命俱懸杜因贈之十四錢後聞其子江某出將踵謝卽移寓避焉隔三十年過姑孰復逢一叟固請至其家執禮甚恭駭問良久叟以直告乃從歿給貲歸吳之備茅三也臨別獻金幣弗受歸述其事以爲慰然卒未明言

里居與眞姓氏生平爲善不望報惟恐人知有如此

劉人鳳字舜儀號桐川海門鄉人貢生候補州同性孝

友長厚肖其父呂四場三面距水江海潮嚙內地行者
多病涉爲建石橋當河南北之衝名曰仁壽往來僦便
乾隆辛未歲饑偕兩弟議賑困米不足從弟調良往山
東買豆餅雜穀振公雇舟出糴於太倉歸而勸成其事
丙子薦饑復共捐穀數百石設厰大廟中親率子志蕃
姪志芳等逐日散粥各戶又北鄰延燒二十餘家婦孺
方悲露處鳳亟借空室棲之旋助以竹架苦葢之費至
如修廟鋪街施藥施棺之類昆弟三人同心共濟王敬

亭太守獎之曰同善維風一生與人從不責報臨終出
其借券盡焚之且遺命置義田贍族壽九十兩弟亦壽
考

李懷山字向高海門鄉人太學生園居養素敦親睦兼

濟公事聞鄉校議沙人新附因請分籍註冊并植碑以
杜其害又協修文廟碧霞菴土山諸祠宇鳩工闢新地
河屋緯路數里增置小橋浚楊家淺一帶深與河等俾
水陸行俱便歲饑賑粟疫施棺夏施茶冬施衣遇善卽
爲里推長者以壽終

易有親字慎思海門鄉人敦倫好善舉數還遺金嘗患

背創劇夢神語積德當延一紀後嗣且昌疾果瘳子象復性醇厚鄉評推爲長者次子象兌登進士授石門縣有惠政皆如所夢

李應麟

字養五海門鄉人宋忠臣庭芝後性純孝力營

先人祠墓族黨咸欽之有姊適仇姓家貧迎姊併其夫同居三十年無閒言及卒斂葬成禮仇姓無嗣代舉其先世遺棺十數具葬之年八十六卒

王冠五

泰興縣南村人貧士也性敦龐喜爲善任勞任

怨弗恤值荒歲流丐求食富戶每逐之如寇乃獨惻然乞鄰而與俾居停匝月回籍館殷宅時見一瞽者病臥

戶外爲謀醫藥扶之起平生最敬惜字紙遇碎磁器有字夾必拾置布袋中同字紙灰投入江流壽八十四卒其先疾革復甦者三所述幽冥果報事歷驗

樊昭明

泰興縣王莊人業醫不索報貧者投以貴藥夾

不明言一日北鄉蝗大起嚙禾人爭持竹驅入他境明止之曰是以鄰國爲壑也不可或吾鄉當被蟲害耳隨禱八蜡神蝗滅捐修明家河廟有記

潘生者如臯縣人業農幼喪父與兩弟奉母居閒出與人執塤甓治筐筥大德閒歲大饑自度無所得食母屬弟傭於回鶻人得錢米活家回鶻人轉售遼東大家軍

戶遣代戍北口會有詔江淮子女禁掠賣饑民悉還故鄉遂回遼東道遇一女子尾行問之曰淮產也年饑父母棄我轉徙數家今歸矣君南人盍同歸乎許之日乞食夜泊茆葦中無一語稍及亂渡淮女曰我家居通州今近矣盍送我本莊及門女上堂見親涕泣相抱持父詰戶外同來者述其事引生更衣具酒肉曰吾女歸故里君力也女處子君義暴淮楚且去家久母與弟未知存否卽廬舍大蕩析矣寒家薄有園田給餽粥願以吾女爲君箕帚妾必母歸生毅然謝曰吾何敢以若女爲利哉子流離義不可娶況吾母衰耄尙可活弟或萬一

存今不歸是吾歿吾親也何忍而安居此土耶力辭歸母歿已三年兩弟繼亾生追制服仍食其故業以終於

鄉

謝叟不知其名如阜縣人居豐樂橋左側早起行田塍間得遺金三百兩乃里中領解官稅也訪還之他日所居井旁得金三兩詢係張秀父子以里甲追逋稅急鬻女得金將以償官醉中失之悵恨投環得救急持往驗歸其金父子獲全

馮啓貴

字伯爵如阜縣人性樸誠行方而直嘗言蜜翁道人三好博喜歡緣恐貽誤實多遇里中少年有輟業

時每反覆勸戒事務於人有濟丙子凶荒倡議就豐場
賑粥全活甚眾東嶽廟毀獨任修建又捐西鄉田二十
八畝供香火其好善至毫不倦會 覃恩賞八品銜給
粟帛壽九十一卒後里中朱某病歿復蘇追述貴衣冠
偉然偕其孫杰侍泰山府君側指引生還告以某年月
日數當絕果驗 以上義行

高允中 字子和別號執齋通州人早失怙承叔父行四
家訓束脩自愛揣摩舉子業刻香爲文日可七藝通籍
後應泐撫聘入闈閱卷所得皆名士部銓縣官辭不就
職改授寧國府教授任十年執經請業者爭至其門及

歸里更翻經史手加丹黃甲乙旁涉奇門遁甲諸書有
時治酒速賓苜蓿一盤猶然廣文先生風味友愛羣季
白首如初著有文集

黃熺 字扶曦一字霞舟通州人歲貢生好讀南華秋水
諸篇爲文有特識周力堂督學聘之至閩與蔡芳三保
漢度輩分校文衡歸惟載詩卷盈囊洛陽橋圖數幅雖
家居告匱洒如也出秉鐸古歙會院府試承值迎送上
司便厭僕僕亟拜有五斗折腰之嫌未一載病卒於官
先是祈夢見上天有路入地無門八字及任歙署在山
上石壁題曰天梯沒後載柩自山澗而下土人云是謂

崇川尺牘錄卷七
地窟悉驗壽七十一著得月樓課花集

陳堪字聖可通州人歲貢生家守硯田養老母及弟姪周旋盡力食貧無怨先德行後文藝規條秩秩郡諸生半在其門出司鐸青陽課士殷勤勸戒既耄諄復不倦池州守某慕其教遣子受業不以屬員相待也一生勞勞斯文斃而後已自冷署歸葬服心喪者到處有人壽八十五

孫鐘字大聲通州人性高曠恥榮利傳父技濟人甚眾襲太醫院判就職未一載告歸端居習靜博物愛古几榻并絕無時玩暇則吟風弄月作水墨畫別具一種風

秀之致好修邊幅慎結納嚴於取受非許可者雖當事厚贈屢招不一顧施太守過訪顏其廬曰自耕晚年自號大僧

王輅字大步號素菴通州人弱冠食餼與兄東山弟佩鳴齊名時有三珠之目鄉評尤重其篤行家居善視寡嫂及弟婦撫諸姪不沾沾為析產計性孤峻而品端惡族有擠陷之者幾構成大案卒不能害隨時任郵不以家中落諉晚歲分貢隸名銓部或勸其以貲入官得捷徑笑卻之士林倚重垂四十年

孫昂字若干通州人諸生言信行果安命守素不干榮

名於時性好靜隱城南屋數楹掃地焚香藏書其中階
弄花木映帶小具林園之勝俗客至輒閉門弗納人呼
爲孫野鶴

凌鶴舟

字一鳴通州人居西郭溪巷柴門人如秋水惟

舌耕心織以奉母暮年益窮風操如故鄰有少婦以烈
灰爲文帛之復書其事於集壻顧滄洲文學老成大頗
似之翁老於諸生先壻一歲卒著有詩鈔

保京

字伊斯通州人諸生古貌古心從李但山觀察遊

楚爲管印簽庫鑰最謹雖子弟不輕假手越數載歸會
族人爭嗣產有干以私者夜攜百金爲壽叱之去時家

無斗筭也蔣京兆炳重其爲人屢以書聘不出市隱賣

卜多奇中人呼短鬼谷子兼精星學著有晚峰集

俞宏緒

字友鴻通州人諸生性簡重寡交子弟欲從之

學擇可始與而貧能勤業者卽所受脩脯分給之不吝
後輩賴以有成與弟式好至老同居愛品茶蒔蕙不喜

徵逐名場隔數年一入城市門人私謚靜正

保嘉正

字天吉通州人少以七子書雋荜庠而性耽吟

詠甘淡泊梗槩清嚴不類荜人遊必擇地茶酒肆張樂
設飲招之不至詩詞贈答苟非其人亦不泛應晚與王
清耀姚立言結三老社有時曳杖城西松顏鶴髮矯健

如龍人謂爲地行仙詩追少陵書工張草印章摹雪漁
筆法俱極蒼古著酸夢齋集檮樵叟詩鈔壽九十八
王裔字燕詒通州人諸生事寡母孝敬事伯兄恂恂如
孺子處家常撙節謹守不輕出門限每歲杪會計所入
約日用若干以五日費佗一串藏櫝中用盡更按期揆
取館穀未嘗與生徒較多寡暇與費敬持承烈兩同學
茶話或對酒談碁點塵不染以壽終其先泮遊時苦州
府報金無措惟一煖板牀售小河內朱姓後卽於牀腳
地掘得遺金二瓶裔乃訪至朱園贖牀加金倍數人謂
其書癡不善算裔曰吾特爲其先人故物耳其至性真

慤如此

秦惟一字我灼通州人壯年中苙舉偉然東南人望以
母多病不仕孺慕至老爲人直諒與物無競里黨皆以
爲古遺愛城南水蝕荒塚露枯骨親遣土工埋築爲文
祭之家居課子孫暇則摹畫明印史手筆直追文何嘗
手鐫陰隲文行世壽九旬舉鄉飲大賓子長治登老進
士

袁邦鼎字大樽通州人性情恬淡不治生產植品力學
籍於校卽食餼家城西日坐樓上授書子弟縱論古今
有舉頭天外之槩雞窗燈火佔嗶聲徹鄰巷辛酉登賢

書三赴春官不第遂無心仕進恥與俗吏接未嘗有所
干請著有離騷經疏莊子註子秋田遊庠早世

陳蕙香

字香士號中林通州人歲貢生少孤貧發憤讀

父遺書讀罷繼以慟哭有名於庠旋食餼候選訓導報
入銓部或勸其北上需次香謝之性拘謹與人接必察
言觀色鍵戶窮經絕不妄涉一事受其教者循循規矩
不問知爲先生弟子小學近思錄兩書尤所切究壽七
十卒

張珍

字連城號樂園通州人善醫隱於市遇貧者延之

卽從步往不索謝官府禮聘之灾輒往不以自詡性和
平謹厚有與人病肩輿行佗蹭蹬狀家人請易之珍曰
爾但恐坐輿者不安獨忘肩輿者之苦乎是人隨吾多
年今雖不良於行微吾將誰用彼後其人老病仍令守
門給以食每起更時有肘鄰假其酒壺謀飲以爲常或
愆期不至必候其假去始就寢嘗笑曰吾一壺與鄰舍
合用十數年矣處家儉樸課子孫讀書籍於校壽八十

三

袁邦棟

字雲飛一字南浦通州人太學生讀書能文而

不屑屑科名迂守古處日記時事按簿檢省性至孝謹
堂供先人木主有客至不使其對坐席必近隅避當尊

也雅喜歌詠拈韻寄興詞多於詩年逾艾卒子煊舉於

鄉

白璧

字天池號夾石通州人諸生性滑稽而行頗高喜

與詩僧往來工畫梅詞學姜白石著有種蕉館集

孫志遐

字曠中號敬菴通州人少溷跡塵市既而厭囂

塵避居淡巷老屋三間惟以觀書摹帖爲事興至則爲

詩歌門外有驚傳高車駟馬至者遐遇之漠如也老與

城西諸鄉耆聯真率會杖履往來藹然春風以子迎養

東灞官署卒壽九旬

季芳

字兼山號雪巖通州人廩生優於學而絀於遇屢

躓場屋課徒蒲上資館穀以佐事畜蓋貧士也顧襟期

灑落弗屑爲家計花晨月夕與杜海樹康石郊輩爲詩

酒交晚歲復手訂麟經纂註稿凡三易乃成子一麒擬

鏤板不果

保兆炳

字若暘通州人乾隆癸酉拔貢丙子舉人癸未

進士任廣東臨高縣令遷署儋州作詩文操筆立就有

七步八叉之速一門怡怡並擅盛譽弟德明諱兆馨丙

子舉人官潁縣訓導南千諱兆瑛歲貢生時人號爲三

珠樹著有雙桂堂合稿琴堂餘興集王已山太史採其

文入所見集中

錢志義字宜萬號左峰通州人弱冠游庠爲諸生都講
中年屢躋場屋乾隆己亥始領鄉薦以大挑二等授桃
源訓導首蓓守貧非公不見邑宰獎掖後進一如鄉里
教授時桃源地濱大河歲多不登每奉檄查災辦賑俱
實惠在民絲毫無所染指淮人至今稱道之佗文迥越
恆蹊有嶽奇厯落之致卒於桃源官署喪歸鄉人私謚
文簡著有左峰文集

錢保字又心一字刈薪號蔚圃通州人廩貢生父龍見
篤學力行淡研性理早歲捐館保以遺腹子從其母畜
於外家故以外祖姓爲名母手抄六經次第授之讀佗

文親爲點竄機聲燈影寒暑無間弱冠補博士弟子員
擅盛名試輒高等遂食餼於庠平生教人一以制行爲
本嘗言人苟有行雖貧賤不媿爲人若其敗常亂德罔
顧倫紀雖身削衣冠不可爲人辭氣駿厲嚴肅至今游
其門者猶能一一述之中歲居母喪哀毀骨立水漿不
入口者數日每遇忌日必夙興白衣冠號慟疏食戚容
至老不衰晚年好撰述著爲學綱目三卷每有心得雖
中夜必挑燈繕寫書成慨然曰此書百年後必有知音
卒年五十有八預知亾期告家人曰吾當以入世日爲
辭世日及易簀果遇誕辰命懸祖父母父母神像掖而

拜焉復索筆書兩言曰存良心求福習正業養身書畢端坐而逝

金^楊字字縣號莧門通州人廩貢生弱冠卽蜚聲庠序李鶴峰學使尤延譽不置刊其文入試牘中耽吟詠兼工倚聲所居枕石窩有小園花木之勝詩以性靈爲主不事雕琢雅近自然梓有莧門雜著海曲拾遺等集

楊^{世緯}字旅東號汐浦通州人國子生讀書穎悟絕倫十餘歲卽通五經爲文情淡韻遠寢饋六朝工臨池筆力遒勁善作擘窠大字琳宮梵宇題額多給其求里中如孫漁曹孫玉樵姚柿園輩素以書名者無不斂手歎

服嘗應乾隆丙子省試甫出闈聞丁外艱信雞斯徑跣抵廬次遂終身不復與秋賦三十始學詩五十時自哀其所作爲寄我道人詩鈔并題云詩以探始助化所係甚大若僅流連光景沿流失源縱筆墨甚工都歸妄習鄙人是集惟取闡揚節義憑弔登臨諸篇都爲一冊餘盡焚之後又自訂鑄一姑存編息緣稿等集

李^珩字二玉號璞園海門鄉人以增貢生試北闈得雋授芝緣令尋改句容教諭經義治事一遵安定遺制旋以疾告歸家居課子若孫手不停披每喜誦將壽補蹉跎之句公車北上禮部錄試卷兩陳

御覽命遂

其志加恩褒賞初授國子監學正銜續

賜翰林

院檢討終於家壽八十七著有文集

夏

兆芝

字仙采海門鄉人歲貢生瑄之長子也天姿英

爽美秀而文垂髫受書塾師李若瀾即奇之甫成童劉

督學拔補弟子員弱冠食餼逾三載與選廷試高等

甚為虞山蔣相國所器重出司訓集縣修祀典嚴課程

兼署無為州教諭值歲荒奉檄協辦賑濟於貧士加意

佗養捐學俸至累月陳撫憲舉卓異陞知縣將銓丁外

艱回籍疾卒於家一生勤謹謙和門內外無閒言聞其

沒者共惜驥足未展

劉鶴齡

字雲臯號閩書海門鄉呂四場人由例貢考選

中書授工部屯田員外治烏魯木齊一帶新疆兵賦稱

職羣頌劉屯君陞戶部浙江司郎中兼管器製造庫

旋任湖北宜昌知府定墨池書院課程折土樓盜賊疑

獄春郊勞農鎮境山有碑記為人謹約恭默有容閒戲

墨佗竹病嘗告假在籍卒鄉諡簡靖

易

幸

字紫臨號渾菴海門鄉人優增生攻五經為文摹

古大家雍正乙卯南闈已定九十五名填榜時以額溢

見遺屢薦不售一生古樸飭躬謙和接物嘗論曰為人

法象銅錢內方外圓設講席談經說理如脫桶底性喜

宏獎後學兩舉賢良方正不就瑁李德宏國子生父事
之久不衰人擬冰清玉潤
李占梅字耀春號墨坡工詩與里中孫斗泉李漁衫及
廷撰輩聯吟社者十年每四五日必集率至漏下三鼓
方辭去飲量極宏酒酣耳熱鬚髯張高談雄辨輒驚
四筵自題其居曰九斗軒謂一斗醇醪八斗才也其自
負如此年六十餘選授睢寧學博以詩別同人云望去
琴書空擔冷怕回松菊故園非咸驚爲詩識果赴任未
年餘而歿撰因哭之以詩有早知髮不比心長可憐骨
竟同官冷之句

鄭大敬字畏山一字蕙山如臯縣人比部樛長公第三
子讀書具偉識善幹事會憲廟初詔京官各舉

才能比部以大敬薦試粵東任高要丞旋擢知電白縣
事改授陽江令歷著治聲人謂比部舉其子不爲私丁
外艱返民各出一錢製布袍二襲贈行以昭素德服闋
補江西長寧時白蓮教方興敬誅其魁餘釋之民歌曰
假佛誤我真佛度我後由荅寧奔母喪歸於臯之蒲上
卒

史鳴臯字苟鶴號笠亭如臯縣人以名進士選翰林院
庶常散館授知縣任昌化遷署柳州府官聲正直五校

浙闈垂簾閱文至丙夜不倦所得皆知名士年老拂袖
歸里意致洒如爲人坦易不尙氣岸識與不識皆以盛
德歸之工書畫善詩著杜詩見廬

孔傳祖

字宗道如臯縣人國子生本至聖裔籍於臯少

習舉子業不遇隱居馬塘之北課耕課讀足已無求開
新溝引水溉田利澤及眾家藏至聖燕居圖爲漢時物
客請觀必衣冠再拜然後展出一見居恆言動不苟戒
子孫有云設令浪得富貴夾恐不足爲家乘光惟期無
忝爾祖可耳壽七十一著仰山詩

范

曾輝

字實齋如臯縣人內行純葡潛心經學於名家

制義靡不融貫由名諸生登進士以母老絕意宦游遠
方重其文爭至臯聘之掌教書院願獻千金爲壽夾謝
去惟就家授生徃書以脩脯奉北堂依依左右部銓及
投牒告病終不出

汪

德大

字容夫如臯縣蟻山人年十六爲諸生試輒優

等南闈八薦不售遂輟舉業潛心天人性命之旨身體
力行嘗曰學不從窮理下手主敬立腳總是旁門爲詩
歌類邵康節陳白沙一派

姜

恭壽

字靜宰號香巖如臯縣人自芸太史長子侗儻

不羈爲文援筆立就灑灑千言如同宿構乾隆辛酉登

賢書闡墨出一時傳鈔殆遍雷翠庭副憲督學江蘇延之幕中校閱試卷所甄拔皆一時名下士時青浦王述菴司寇尙爲諸生恭壽得所試詩賦愛之遂與定交詩學三唐不拘一格善畫工篆隸尤通解音律詩餘詞餘一宮一商播諸樂人不爽圭撮病革時遺命以古玉二枚華嚴經一部殉葬著有臯原全集述菴先生採其詩入湖海詩傳

呂琳字天池如臯縣人少孤賴祖母教育有成食餼於庠以選拔不與削入都隸名成均肄業歷寒暑弗輟爲人氣宇魁偉學識宏深館某親王家器重之四戰北闈

不捷歿歸里人共惜其賁志以歿著有鴻軒集

江干字黃竹號片石如臯縣人歲貢生工詩古文詞李晴山山長選其文入還是讀書堂集中嘗爲劉石菴相國題赤壁圖歎爲江南老名宿與羅兩峯友善談詩說鬼津津不倦著有片石詩鈔袁簡齋太史爲之佗序

范駒字昂千號菴田選貢生清超拔俗詩文俱如其人嘗以集謁袁太史枚太史賞其咏扶桑影裏看金輪詩極目萬山猶拱宋蹉跎一霎恐移陰之句刊入隨園詩話中壯年委化臨終壽三日空中聞鼓吹聲向東南笑指曰玉真二童子迎我矣佗棺銘自書其上云何處是

魂月明花放題畢擲筆而逝洵矜奇之士也著有藿田集十六卷以上名雋

楊時暹字赤文通州人諸生居北山之側吟嘯自娛性好客座常滿與范秋墅丁孩脩聯寄社批風抹月無已時有語之治生計者不答自號酒生著有雲嵐集保疆字繡封號辟園通州人少承庭訓博涉羣書工駢體文初館魚灣有遠志挾書冊南吞瀟湘洞庭閒衡陽高公異其才畱幕中數年續應某宦聘西過潼關涉險踰川值寇亂未平擬出展一籌染疾鬱鬱而返年未六旬卒著掣鯨集散失甚多子克繩次削於庠手訂遺編

籤題曰幸存

黃天源字桃津通州人諸生病口吃而工於詩詞皆諧聲協律以夾竹桃七律著名一時擬爲古文尤善州守張桐城見而歎賞之嘗造廬請教稱曰先生晚年結廬於十里坊竹籬茅舍翛然野外母八旬猶強健讀書耕田外又別有一樂壽八十餘破著有文集

白融字容光號照軒通州人諸生幼喜讀經史百家諸書至老手不釋卷嘗與郡中馬遜渚高執齋輩聯文社以古文爲時文諸君皆推重之惜數奇連不得志於場屋康熙庚子秋闈已置魁削矣揭榜時以微疵棄之然

文名益振負笈請業者戶外屢常滿年八旬卒歷今數十年學者常追偁不置

袁

潞

字笛船通州人附貢生天真爛漫與物無競自署

齋室曰忘機與劉南廬丁个仙輩結醉吟社詩瓢酒琖時陶情於山寺之間耆壽終有集失傳

保

培源

字岷川通州人貢生考授州同以弟培基官於

杭遂侍養太夫人於家不就職與季弟培材新翻樂府戲綵承歡開西社薇花書閣集遠近諸名士觴詠其閒老患聾耽吟不輟夏夜索句至和衣坐浴盆中評點史書日有程課嘗語人曰吾猶幸日可代耳善辨痔賢書

畫墨蹟及古玩真贗著有藝園集壽七十二卒鄉諡文靜子庭玠優貢生孫光慈增廣生皆有文名

江

一麟

字昌岐號謁古通州人世居呂四場性穎慧年

十二能背誦五經與曹觀同時傳神童父長人文學始授之書旋令就陳明經於州而受業焉讀書喜默識一過目輒不忘然攻苦志最篤夜坐每至達旦或倦臥起遲則亂鋪蠟甲於牀簀刺其背痛使覺爲文不落時蹊品行卓然屢躓場屋僅博青衿早世人咸惜之

馬

宏瑛

字琢文號明軒通州人優增生一經守素不因

弟貴資緣數畝安居未爲兒貧爭產出應池州之聘衡

重士林歸追崇水之歡風高耆社公署曾無溷迹空齋
時復銘心銘門云壯也猶不如人老矣盡其在我允矣耄而猶勤悲哉斃
而後已咸推學者不愧古人

馮夢桂字嘯園通州人歲貢生性迂而行正順親信友

衛鄉校一秉公義雅好汲古摛輯甚博著賴有編十六

卷壽七十三將銓訓導卒

錢諤書字一士通州人增生發憤棄妻子入雉水書院

日坐小齋舍揣摩舉業雜置土鏗竹槩於傍案可塵積

久之為煙火薰染成眚竟眇一目每佗文藝諸名宿共

推命中之才以應試卒於金陵寓同鄉感而泣弔者盈

千其先神降乩定名曰幸年至是乃知四十一字義內

已限數矣同時有保奭者遠館揚州附課安定書院就

試南關卒兩人志行略同

徐攀龍字利人一字臥雲通州人太學生弱冠以詩鳴

淮海間為人豪邁雋上有風致嗜飲好交游戶外屢恆

滿坐是家中落嘗從其密戚游京師某鉅公賞其詩招

之不肯往日與諸酒人醉臥塵市閒年五十餘客死蜀

中詩稿散失殆盡存者僅見曰竹香堂贖稿

印文字藻如號樸居通州人家貧老於諸生性坦易任

天而動工詩文操觚立就或匿其草即不能記一字再

搆夷復佳其門人多能詩

陳邦材字宗旦號乃人通州人少孤讀書植品奉高堂

教弱弟門以內訢訢如也平居以文酒往還者周陸舫蘇雨山數人而已年二十五以積勞嘔血卒病中猶手一編默誦不輟嘗題齋壁云不媿儒生是索居席門何必擁高車願將終日看人眼一對平生未見書其志趣可想著有十尺樓詩鈔其弟邦棟爲之授梓

蘇兆鸞字勝伯號雨山通州人家極貧事母至孝性特孤介日賣卜村落閒暇則行吟意自得也母歿益困頓葦門圭竇三旬九食而讀書聲淵淵出敗絮中三十餘

卒窮餓以歿

黃履正字義路號贖山通州人狀貌魁傑性亢爽少讀

書高自標置奮欲有爲試不售遂佯狂不循桀度有時閉門僵臥不復出又或行吟市上佗推敲得意狀人笑之弗顧也年五十餘躬疇海濱自僱東海衰農佗詩云人間萬事成秋草我輩壽身是落花抑塞怗僚而歿

吳偉字石嶒通州人諸生以詩鳴自立崖岸不寄人籬下與同里蔣霽山齊名時僞吳蔣爲人孤峭夷相似嘗與同社讌集佗荷花詩刻香一寸成七絕百首俱極新豔人以擬崔黃葉袁白燕云年甫及壯而歿著有畫雨

樓詩集二十四卷

宋^霖字紫華號六雨通州人廩貢生官安東教諭鐵冶亭宮保督江南愛其才招致幕中公餘輒與倡和霖布服芑鞵出入節署胸中無軒冕如閒雲野鶴時人羨其遇而高其節所著六雨詩集稿盈尺餘臨砌檢付廷撰廷撰為寫定編年集三十二卷古歛黃心盦明府採其詩入今詩所見集櫛山詩話云六雨司訓淮陰好宏獎人所著詩話摻羅極富評論精審寫墨梅煙烘雨染皆有奇趣詩品大如其畫約園云荒年茅屋苦閉戶秀才尊詠糊窗云橫陳側理玉光同正字回文一望中檢點

偏宜重九後白雲幾片掩秋風顛鍾馗食鬼圖云胡為冠帶拌轟飲食性與人更不同我說先生高定伯不曾賣鬼宛城中又詠蠶豆句云脫穎尚畱雙眼碧含胞時見一衫青並生峭可誦今之天池山人也

撰 舅氏宋六雨先生性豪邁工詩善畫年八十餘神明不衰歿之痔一日猶招撰飲出所著編年手藁付撰選錄夜半忽無疾而逝撰哭之以詩云足蘭中途怯不痔陡聞凶耗淚如泉尋歡漫佗千場計訣別偏慳一面緣不薄疎狂真愛我無常聚散儘由天眼看耆宿凋零盡破帽青衫倍可憐談鋒恆使座中傾頃

刻文如翻水成遺稿未編期後成重泉何處哭先生
那堪化鶴無歸日從此聞雞是惡聲痛絕自關知己
感區區豈獨滑陽情憫我羈孤百感侵勸謀窳窳擬
從今計無可挽將安出事到難言轉若瘖豈料淚殘
高子血又教絃轍伯牙琴南鄰咫尺君家住搥策重
過恨不禁僵臥衡門已浹旬傷心吟社更無人雲山
渺渺難尋夢風雨蕭蕭不似春仙去原知生是寄情
癡猶冀成非真五山今集初刊就添得詩篇一卷新

一經堂集

宋

玉麟

字錦門號鹿友通州人歲貢生工制舉義雄邁

駿厲能參太史之潔教授生徒孳孳不倦一節之長擊
賞不去口游其門者多掇科第以去其他爲學官弟子
又數十人顧數奇不遇經房七薦俱以溢額見擯年六
十餘卒士林咸爲隕涕鄉諡文長著有鹿友自訂稿

王

尙旗

字耿光號浚亭通州人辛酉選貢生是年舉於

鄉爲人和而介論文以理法爲宗膠庠之士半在其門
中年始登賢書屢上春官不第賫志而歿著有浚亭文
稿江都焦理堂循雅樓集壬戌會試記云予謁英煦
齋師謂予曰今年閱試卷二百餘首惟子文第一次則
王尙旗吾曾於南齋中向彭芸檜朱石君兩先生言之

時彭先生大舉江西一佳篇乃榜發皆無之吾與彭公相對默然命也命也

孫

光鼈

字渭綸號曉塘通州人乙卯登賢書辛酉成進

士擢中書第一遷吏部文選司主事旋陞副郎辛未會試同考官分閱二百六十卷每卷必閱三次或謂之曰以子之才尙遲滯若是答曰否否人以三年辛苦我以一時之臆見棄之於心何安且吾等今日分校禮闈獨不思當日困於矮屋中之苦乎同任分校者感其言悉加勵揭曉後得士十有三人皆英年績學之士由解元中式者三人一時文譽翕然歸之出闈後諸事叢集以

失察書吏舞弊謫戍軍台逾年赦歸遂不復出侍奉色笑暇卽陶情詩酒主里中月旦二親相繼逝以哀毀卒年五十有八著有庾嘯樓稿

錢

紱

字紱亭號綺樓通州人諸生工詩性豪邁酒酣耳

熱磨墨信紙擊鉢喝韻頃刻千言與里中胡印渚宗伯李漁衫學博聯吟社梓舊雨唱酬集晚年依劉仙培郎中仙培業嶢淮上座客常滿別築一室從之學詩偶歸卽肩其戶懸榻顛輿庶幾佞佛著有香南艸堂集

周

景昌

字步文一字樸文號陸舫通州人少以孝聞性

情質厚溫雅有風度工詩以少陵爲宗不喜佻塗澤語

思沈力厚非彼聲悅爲工者可比好古多藏法書名畫
日與晤對中年構遠巡園偕同里諸子觴詠其中四方
詩人過海上者大皆以其家爲歸又嘗急友人之難年
五十餘病酒卒生平作詩不畱稿今所存皆其子冲蒐
羅散佚輯成者曰讀畫樓詩稿

陳詩字興可號逸齋通州人隱於醫貧而自好所居矮
屋數椽竹翠花淡日燕坐其中吟嘯自得也喜爲詩往
往得驚人句年七十餘矍鑠如少壯時

陳邦棟字廷一號十村通州人太學生性質樸不假塗
飾有古老成風得其兄乃人說詩緒餘少卽搦管苦吟

老而彌篤於魚灣近側葺聽漁館壘土爲小山植楸樹
楊柳芭蕉薔薇之屬虎落周遭綠陰滿院櫂歌月裏漁
唱風弄水鄉幽境也四方操觚之士過石渚者必延訪
論詩而十村之名播遠邇焉刊有古香堂詩集

馮夔友字竹林號東圃通州人廩貢生司訓山陽與諸
生講說必博求古人有用之言恢廣其學識每日至移
晷猶娓娓不勸時李侍郎宗昉尙爲諸生決其達到月
課特拔第一時人以爲知言念父沂篤老乞養歸旋卒
年五十有八著有東圃書義詩梓舊雨唱酬集五山耆
舊集妻孫氏郡增貢生焯文女孝養荀至晨羞夕膳能

吳川尺牘金卷一
得堂上歡心十餘年如一日喪葬大事盡禮戚黨咸重
之長子雲慶字伯偉天資英敏績學蚤逝著有伯偉遺
稿季子穎賢字星聚號希齋廩貢生工詩詞次以攻苦
蚤逝著有虛白山房詩集仲子令羲字郗策附貢生
李輝曾字孔傳號實齋通州人歲貢生性和而介擔焉
寡營與人交無涯岸然取與必慎人不能以非義干之
其濡接後進闡明經義口講指畫輒竟日不倦被其齒
牙餘論者咸以文名以是都人士莫不斂衽賓敬焉年
七十有六歲以微疾卒卒之日會弔者以數百計私諡
爲文介先生

吳司直字志韓號質菴通州人廩膳生夙負異才讀書
不爲俗學佻文根柢深厚具陶菴臥子之魄力尤肆力
於詩古文辭能入古人堂奧見賞於沈雲椒胡豫堂兩
學使歲科試連拔第一以金馬玉堂期之乃年甫及壯
遽赴玉樓士林咸惜之

葛堯字伯吹號野航通州人諸生性坦率談論有風趣
教授生徒暇時則飲酒賦詩與曉峰輩結文酒社大白
狂浮興酣脫帽往往高歌拍案苟若無人也著環碧山
房詩鈔

陳熊字元吉號曉峰通州人嘉慶戊午科舉人爲人清

曠邁俗嗜酒有阮嗣宗風致往往尋僧蕭寺或就伎歌
筵無日不親杯杓大無日不頽倒玉山也人競慕之詩
不多佗佗必有雋句

周冲字少恬一字孺白號滄澗通州人稟承家學頗肆
力於詩有所得冲淡多遠神性疏散不諧俗好讀書無
間昕夕家有讀畫樓左眺五琅右瞰大河嵐光帆影在
遠近有無閒暇日輒登覽焉胸宇開朗故詩境益清樓
之西偏爲羅仙館把卷行吟處也竹香幽蒨花氣空濛
凡文人韻友無不願與之納交詩城酒國辯論古今頗
以此爲適惜其年不永

葛達字魯傳號芸洲通州人工篆刻精繪事游吳中久
究心聲韻之學每拈一韻擁鼻苦吟不成章不置冥心
孤詣樂此忘疲

錢梓林字季良號敬菴一號琴谿通州人進士兆鵬季
子也幼穎敏讀書過目成誦稍長從宦博陵受業於族
伯左峰孝廉博覽羣書尤熟讀通鑑綱目故其爲文包
羅一切雅健雄深最爲族叔漆林檢討雲巖學士暨年
伯吾漁璜民部所獎賞弱冠補博士弟子旋食餼嘉慶
庚午登賢書同里徐大令鸞坡孫銓部曉塘後先延教
其子甲戌赴禮部試旣出闈以疾卒於旅邸年僅三十

有八撤棘後始知卷出瑞安林太史培厚房力薦未售
士林咸痛惜之著有十錦堂詩集十五卷四書聞見類
編十八卷捫蝨叢談十二卷待梓

崔煦字蕙田號暎若海門鄉人諸生詩宗盛唐古文深
醇爾雅似兩漢人筆意善岐黃昆季研畊芳懷書倉輩
耄年倍友愛曹竹人詩云君家兄弟好貧病老相依

姚列字雪坡海門鄉人歲貢生詩主性靈嘗書情真語
摯四字粘於座右曰情不真則勦襲雷同謬為博洽皆
偽耳語不摯則此倡彼和互相標榜皆浮耳易云脩辭
立其誠學詩之道盡此矣所著雪坡偶存蕭疏淡遠餘

味在筆墨之外李漁衫學博丁六石明經亟稱之

季惇大字濂谿泰興縣人乾隆戊申科領南闈第一元
墨出膾炙人口嘉慶丙辰薦舉孝廉方正 賞六品

頂戴又精於疇人之學及形家言皆微妙入神著有濂
谿全稿洗心編藏於家

季爾慶字廉夫泰興縣人貢生客游四方名公卿爭延
致之入都館紀曉嵐宗伯家最久從宗伯至灤河為校
書之役阮芸臺宮保選淮海英靈集為徵詩各郡摻羅
遺逸厥功尤鉅孫斗泉贈詩有孫登只解蘇門嘯季札
能觀削國風之句著靜思堂稿六卷

崇川尺牘金卷一
江大鏡字筆峰號樵所如臯縣人廩貢生早年游京師
三躋棘闈而歸與范思堂黃瘦石陳石橋結近社刻意
爲詩神似老杜古文兼有柳州六一之勝卒年五十八
歲臨終自言有幡幢音樂來迎行將返故山洞舍云著
有燕臺集樵所十年詩

江大鍵字葯川號葯船一號鈎鈴子如臯縣人廩貢生
與兄樵所先生齊名一時有雙丁二陸之稱邑乘屬稿
過半而歿爲人端凝自重不爲時趨所學甚富儀象數
度靡不窺其微奧著籌筭我法得九數未洩之秘梓有
葯船詩文集二十卷

黃振字舒安號瘦石如臯縣人貢生少有文名盧雅兩
都轉觀風十二屬特拔第一游京師戰藝北闈屢薦不
售念高堂髮白繼繼而歸築斜陽館東距古豐汪氏文
園百里壇坫相望與黃瘦瓢劉南廬鄭板橋輩觴詠無
虛日一時擬冒徵君水繪之盛著有瘦石集二十卷
宗孔思字杏原如臯縣人庠生放情詩酒有彈蕉館每
風晴雨晦坐綠天窗下撫三尺焦桐伶梅花弄意自得
也嘗得古琴一張病革時手摩挲不置可想見其風度
矣詩雋削名貴方干項斯之儔著有彈蕉館集

顧雲字伯顧號北墅如臯縣人以名孝廉授中書舍人

遷吏部文選司直 軍機最久練達誠慎海寧相國陳
文勤公新建冢宰裘文達公咸器許之請假回籍築三
里樓別墅於蒲上與名流擊鉢賦詩襟期瀟灑言談高
曠望者驚爲神仙中人旋嬰足疾踰年杜門養痾讀書
不輟自題座右曰冰淵厪念養生法絲竹陶情娛老方
雖調攝痊可而澹情仕進不復有出山之志矣工書善
畫婦孺知名一時游筇所至無不掃門納屨爭相款接
香山洛社之風蓋庶幾彷彿焉著有北墅集詰嗣金棊
字湘船乾隆辛卯科舉人金壽字曉嵐由明經選校官
博學工文章能世其家學云

顧駟字牧原號木原如阜縣人乾隆辛巳進士授黃陂
令陞署助陽知府歸里後卜築於如阜百步嘗和劉澹
竺進士遊平山詩有清響忽傳樓外笛嚴寒爭避手中
卮句爲袁簡齋太史所賞遂至阜訪之宴飲水窗流連
十餘日而後去并採其詩入隨園詩話中著有牧園吟
稿十卷

以上文苑

陳士璋字季達號星房通州人幼卽穎異讀書能省記
爲文操筆立就工儷體詩學玉谿昌谷出語往往驚長
老著墨花閣集年二十竟天使天假之年沈酣載籍中
其成就未可量也惜哉

徐敬祖 字誦茶縉最少子也性好學髫齡穎悟有童烏
之目從錢季良孝廉受業能背誦十三經詩宗李昌谷
頗有奇趣其哀豔處往往似之季良欲妻以女不果旋
以痘殤季良哭之以詩云幼慧逢陽九青藍屬望虛纔
踰虧齒歲早讀等身書視汝真猶子呼天若喪子程門
空積雪腸斷夜寒初遺編猶滿架觸處總生憐未獲同
公冶偏教若子淵舊原香案更新上大羅天我欲招魂
去青楓落照邊次識重泉渺相逢未有因空餘孤館淚
何處夜臺身夢入生來幻情從成別真可憐摩頂日曾
說石麒麟

王思濬 字璞山通州人太學生生有異稟五歲時即知

以君苗屬對后稷九歲學爲詩嘗用上下平韻作梅花
詩三十首有暗香約略先春至瘦影分明共月來之句
一詩傳誦以攻苦過甚得咯血症年未及冠遽上玉樓
臨歿時朗誦蝴蝶夢中家萬里數聲跌坐而逝詩詞頗
多病中料檢輒自焚棄僅存殘稿一卷 以上蚤慧

余國正 字名揚都督成龍子康熙甲寅逆藩兵起龍由

蒼生署守葡隨大經略攻灣腰樹鳳山頭登頭梯給
龍牌參將劄連打十九寨平硃磯金門夏門等處議敘
超陞大鎮力竭而亾 朝廷方詔卹其後會狼山劉總

鎮以國正材具老勇膽識過人保舉擢藍翎侍衛旋令食俸狼營年七十五卒子孫籍於校以老科世其家

袁文通字從先通州人長身脩髯力能開六鈞弓初應

狼山募為騎射首領出任懷寧千總以捕盜功會顯

廷對稱旨授狼營守葡時有廷對六韜野擒五

虎之譽尋遷東海都司將抵任坐誣罷歸布襪青鞵坦

懷自若課子讀書外無事焉壽六十三終先是

者以賊敗或條削其過密付文通訐告以洩憤通辭曰

吾受誣已久何苦乘人之危乃爾聞者服其量以上老略

崇川尺牘錄卷七終

崇川尺牘錄

天保

